



Naleraq

03.05.2023

UPA2023/54
Paneeraq Olsen, Naleraq

Kalaallit Nunaanni meeqqat pillugit inatsisip Kalaallit Nunaannut atuutilersinnissaanut peqqussutissatut missingiummut aamma meeqqat pilersorneqarnerat il. il. pillugu inatsisip Kalaallit Nunaannut atuutilersinnissaanut peqqussutissatut missingiummut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.
(Meeqqanut, Inuusuttunut, Ilaqutariinnut Peqqissutsimullu Naalakkersuisoq)

Siullermeerneqarnera:

Ukiaq Inatsisartut ataatsimiinnerani imm. 128-iulluni saqqummiunneqaqqarmat Naleqqaminngaanniit taperserlugu akuerseqaatanikuuvugut. Iluarisimaarlugu nuannaarutigaarput tulluusimaarutigalugulu meeqqat pillugit inatsisip aammalu meeqqat pilersorneqarnerat il.il. pillugit inatsisip nutarterneqarnissaat patajaallisarneqarnissaallu siunertaralugit Naalakkersuisut Inatsisartunut aalajangiiffigisassatut siunnersuuteqarmata.

Naalakkersuisut oqaaseqaamminni oqaatigisaa tassa ”danskiteq maleruagassaanni peqqussutinngortinneqarnissaannik kissaatigineqartuni aamma timip ipiutaasartaanik uumassusillillu sananeqaataanik passussisarneq pillugu EU-mit inatsisiliornerup akornanni naapertuinnermik amigaateqartoqarneranik Isumaginninnermut-, Ineqarnermut- aamma Utoqqarnut ministereqarfimmiit ilisimatitsissummik tigusaqarsimanertik pillugu ilassutitut Inatsisartunut saqqummiuteqqimmassuk Naleqqaminngaaniit allannguut akuersaarlugu akuersissutigaarput.

Taamatut naatsumik oqaaseqarlunga Naleqqamiit suliap allannguutissatut siunnersuutit akuersaarpagut.